

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- प्रधानमंत्री नरेन्द्र मोदी होर अज्ज ओडिशा च पुलस महानिदेशकें ते पुलस महानिरक्षकें दे अखिल भारतीय सम्मेलन च हिस्सा लैंगन।
- उपराज्यपाल मनोज सिन्हा आतंकी इको-सिस्टम गी खत्म करने दा संकल्प लैता ऐ गलाया जे जम्मू कश्मीर थमां आतंकवादिऐं दा सफाया करी दित्ता जाग। उपराज्यपाल होरें आतंकवादिऐं कन्नै सरबंध रखने आलें दे दऊं सरकारी कर्मचारिएं गी बर्खास्त कीता।
- अखनूर-पुंछ जरनैली शिड़कै दा 50 फीसदी कम्म मुकम्मल करी लैता गेआ ऐ ते 2027 तगर परियोजना गी मरहलेवार ढंगै नै सबूरा करी दित्ता जाग।
- अंडर-19 एशिया कप दे उद्घाटनी मैच च अज्ज दुबई च भारत ते पाकिस्तान बश्कार मकाबला होग।

<><><><><><>

PM-DGP, IGP

प्रधानमंत्री नरेन्द्र मोदी होर पुलस महानिदेशकें ते पुलस महानिरक्षकें कुल भारती सम्मेलन च शिरकत कीगन जेहड़ी अज्जै थमां भुवनेश्वर, ओडिशा च शुरू होआ'रदी ऐते 2 दिन चलोग। गृहमंत्री अमित शाह होरें कल त्रै रोजा सम्मेलन दा शुभारंभ कीता हा। इस सम्मेलन दा आयोजन इक ऐसा मंच उपलब्ध कराने दे मकसद कन्नै कीता जा'रदा ऐ जित्थें पुलस ते सुरक्षा विभाग दे आला अधिकारी राश्ट्री सुरक्षा कन्ने जुड़े दे मुद्दे पर चर्चा ते बचार सांझा करी सकन। इस मलाटी च मता जोर राश्ट्री सुरक्षा कन्ने जुड़े दे गंभीर पैहलू, आतंकवाद, वामपंथी अतिवाद, तटीय सुरक्षा, नमें अपराधिक कनून ते नशाखोरी पर पाया जाग। विरली सेवा आस्तै प्रैजीडेंट पुलस मैडल बी इस सम्मेलन दरान दित्ते जांगन। प्रधानमंत्री कार्यालय नै इक ब्यान च आखेआ ऐ जे मोदी होर म्हेशां गै सम्मेलन च गैहरी रूचि दस्सी ऐ जेहदे च खुले तौर पर अनोपचारिक तरीके चर्चा करियै नमें बचार सामने ओंदे न। राश्ट्री सुरक्षा सलाहकार अजीत डोभाल ते प्रधानमंत्री हुंदे सचिव पी.के.मिश्रा होर मुख्त तौर पर इस सम्मेलन च शामिल होंगन। प्रधानमंत्री होरें जंदी संजा 3 दिनें ओडिशा दे दौरे आस्तै भुवनेश्वर पुज्जे हे। भुवनेश्वर पुज्जने मगरा प्रधानमंत्री होरें बीजू पटनायक अंतराश्ट्रीय हवाई अड्डे कोल इक जनसभा गी संबोधत कीता। इस दरान हवाई अड्डे थमां राजीवन तोड़ी रोड शो दा आयोजन बी कीता गेआ।

<><><><><><>

Rev J&K-LG

उपराज्यपाल मनोज सिन्हा होरें जम्मू कश्मीर केन्द्र शासत प्रदेश च आतंकवादी तंत्र दे पूरी चाल्ली सफाए दे अपने धेइयै गी फही पक्का कीता ऐ। उनें समाज दे सब्बने तबकें दा आह्वान कीता ऐ जे ओह किट्ठे रलियै अपनी जिम्मेवारी नभान ते आतंकवाद खलाफ लड़ाई च सैहयोग देन तां जे भविष्य गी सुरक्षत बनाया जाई सकै। रियासी जिले च कल आयोजित इक कार्यक्रम दरान बोलदे होई उपराज्यपाल होरें आखेआ जे देसै दी एकता, अखंडता, रमानदारी ते तरक्की बाढ़े लेई सर्वोच्च बलिदान देने आलें दा राष्ट्र सदा कर्जदार रौहग। उनें आखेआ जे सरकारै इक प्रगतिशील ते आधुनिक जम्मू कश्मीर दे निर्माण लेई कम्म कीते न।

<><><><><><>

NSG

जम्मू कश्मीर च पुलसा दे जम्मू जोन दे अडीशनल डरैक्टर जनरल आनंद जैन होरें आखेआ ऐ जे जम्मू च सुरक्षाबलें दे सैहयोग लेई राष्ट्री सुरक्षा गार्ड एनएसजी दी तैनाती कीती गई ऐ। जैन होरें गलाया जे खित्ते च हाल दे समें दरान आतंकवादी हमलें च होए दे बाढ़े गी दिक्खदे होई गृहमंत्रालय दे निर्देशें पर एनएसजी दे इक विशेष युनिट गी जम्मू च तैनात कीता गेआ ऐ ते पुलस गी इनें विशेष बलें थमां सैहयोग थोआ करदा ऐ। एडीजीपी होरें इब्बी आखेआ जे आतंकवादी ढांचे ते एहदे नेटवर्क दा समूलचा नास करने दे मकसद कन्नै जम्मू खित्ते च बड्डे स्तरै पर तपाशी अभियान चलाए जा करदे न।

<><><><><><>

SHE Portal

महिला ते बाल विकास राज्य मंत्री सावित्री ठाकुर होरें दस्सेआ ऐ जे सरकार नै She-box पोर्टल विकसित करी लैता ऐ। इस पैहल दा मकसद कम्मे आली थाहर पर महिला दा यौन उत्पीड़न रोकना ते एहदे तैहत ऐसे मामलें दी जांच पूरी करने दा समे 90 दिन ऐ, इस पोर्टल गी राज्य ते केन्द्र शासत प्रदेश प्रशासन स्तर दी स्थानीय कमेटीएं, निजी क्षेत्र ते सरकारी दफतरें आस्तै तैआर कीता गेआ ऐ। लोकसभा च इक लिखित परते च मंत्री होरें दस्सेआ जे सरकार नै कम्म करने आली थाहरें पर महिलाएं दे यौन उत्पीड़न रोकने ते ऐसे मामलें दी सुनवाई करने आस्तै कन्नू बनाया ऐ जेहदे हेठ महिलाएं गी सुरक्षा दित्ती जाग ते सरबंधत शकैतें दा नबेड़ा बी कीता जाग।

<><><><><><>

J&K Termination

जम्मू कश्मीर दे उपराज्यपाल मनोज सिन्हा होरें कल दऊं सरकारी मलाजमें गी उंदे आतंकिएं सरबंधे करी नौकरी थमां बर्खास्त करी दित्ता। उपराज्यपाल होरें संविधान दी धारा 311(2-सी) तैहत् एह फैसला लैंदे होई किश्तवाड़ जिले दे स्कूल शिक्षक जाकिर अब्बास ते कुलगाम जिले दे सेहत विभाग च फार्मसिस्ट अब्दुल रहमान नायक गी नौकरी थमां बर्खास्त करी दित्ता। अधिकारिएं दस्सेआ जे एह कारवाई इक जांच मगरा कीती गई जेहदे च एह तस्दीक कीती गेदी ही जे इनें दौपें मलाजमें दे आतंकवादी संगठनें कन्नै सरबंध न। अब्दुल रहमान नाइक दे आतंकी संगठन हिज्बुल मुजाहिद्दीन कन्नै सरबंधे दी पुष्टि होई ऐ ते 2021 च गुलाम हुसैन लोन दी हत्या दे मामले च बी ओहदी शामिलत ही। तोआई अलीगढ़ मुस्लिम यूनिवर्सिटी थमां डिग्री हासल करने आले जाकिर अब्बार गी 2020 च हिज्बुल मुजाहिद्दीन दे आतंकिएं गी पनाह ते उंदी मदद करने दे आरोप च गिरफ्तार कीता गेआ ऐ। खुफिया एजेंसिएं मूजब जेले च रौहदे होई बी अब्बास करटरपंथी गतिविधिएं च मुल्लवस रेआ।

<><><><><><>

Women

सरकारै विदेशें च बिपदा च फसी दिएं भारती महिलाएं गी मदाद उपलब्ध करोआने लेई 9 वन स्टॉप सेंटर स्थापित करने दे प्रस्ताऽ गी मंजूरी देई दित्ती ऐ। महिलाएं ते बच्चें दे विकास सरबन्धी केन्द्री राज्यमंत्री सावित्री ठाकुर होरें लोकसभा च कल लिक्खियै दित्ते गेदे इक परते च दस्सेआ जे एह 7 वन स्टॉप सेंटर बेहरीन, कुवैत, ओमान, कतर, संयुक्त अरब अमीरात ते सउदी अरब च खड़ेरे जाउन ते इंदे च शेल्टर होम दी बवस्था बी होग। एहदे अलावा द'ऊं वन स्टॉप सेंटर टोरेंटो ते सिंगापुर च होउन ते इंदे च शेल्टर होम दी बवस्था नेई होग।

<><><><><><>

Forest

पुंछ दे डिप्टी कमीशनर विकास कुंडल होरें कल इक बैठक लोआइयै प्रसतावित परियोजनाएं लेई जंगली इलाके सरबन्धी मजूरी, अधिग्रहित जिमीं लेई मुआवजा जारी करने ते जिले च विकास कम्में च अड़चने गी दूर करने सरबन्धी कम्में दा जायजा लैता। साढ़े पुंछ दे संवाददाता अनुभव मिसरी होरें जानकारी दित्ती ऐ ते डिप्टी कमीशनर होरें सब्बने विकास कम्में गी समें उप्पर मुकमल करने दे निर्देश जारी कीते ते सब्बने सरबन्धत विभागें गी आपसी तालमेल बनाइयै कम्म करने लेई बी गलाया।

<><><><><><>

Poonach Road

जम्मू कश्मीर च बड़े मते सामरिक महत्व आली 168 किलोमीटर लम्बी अखनूर-पुंछ राष्ट्रीय जरनैली शिड़क परियोजना दा तकरीबन 50 फीसदी कम्म सबूरा करी लैता गेदा ऐ। कल संसद च इक सुआलै दा परता दिंदे होई रक्षा राज्य मंत्री संजय सेठ होरें दस्सेआ जे जरनैली शिड़के आली इस पूरी परियोजना दी लम्बाई कुल 220 किलोमीटर ऐ ते इसी सीमा सड़क संगठन बीआरओ ते राष्ट्री जरनैली शिड़के ते ढांचागत विकास सरबंधी कारपोरेशन एनएचआई डीसीएल आस्सेआ तोड़ चाढ़ेआ जा'रदा ऐ। अखनूर ते पुंछ दे बश्कार आले 168 किलोमीटर हिस्से दा प्रबंधन बीआरओ आस्सेआ कीता जा करदा ऐ ते एह्दे शा 83 किलोमीटर दा कम्म सबूरा करी दित्ता गेआ ऐ। इस पूरे हिस्से च 4.85 किलोमीटर लम्बाई आलियां 4 सुरंगां न ते इसी 2025 ते 2027 बश्कार मीहलेवार ढंगै कन्नै सबूरा कीता जाग।

<><><><><><>

Dy. CM

उपमुख्यमंत्री सुरिंदर कुमार चौधरी होरें आखेआ ऐ जे सरकार लोकें गी दरपेश समस्याएं दे नबेड़े लेई वचनं बज्झी दी ऐ ते सरबंधत मैह्कमे गी एह् निर्देश जारी करी दित्ते गेदे न जे ओह् लोकें दिएं समस्याएं दे पैहल दी बिनाह् उप्पर नबेड़े करोआन। उपमुख्यमंत्री होर कल उनेंगी मिलन आए दे केई सारे डेलीगेशनं कन्नै गल्लबात करे करदे । इनें डेलीगेशनं च आंगनवाड़ी वर्करें ते लेबर वर्कर, एसोसिएशन दे डेलीगेशसन बी शामिल हे।

<><><><><><>

CS Schemes

मुख्य सचिव अटल डुल्लु होरें कल इक उच्ची सतह दी बैठक लाइयै जम्मू-कश्मीर च लागू कीती जा करदी बक्ख-बक्ख कल्याणकारी योजनाएं जि'आं प्रधानमंत्री फसल बीमा योजना, कृषि ढांचागत विकास कोष – एआईएफ ते प्रधानमंत्री किसान सम्मान योजना वगैरा दी अमल-आवरी च हासल प्रगति दा जायजा लैता। सेहत मैह्कमे दिएं योजनाएं तैह्त्त आभा कार्ड बनोआने ते जननी सुरक्षा योजना ज्नेई योजनाएं पर चर्चा कीती गई। बैठक दरन पट्टी दर्ज जातिएं, जनजातिएं ते होरनें पच्छड़े तबकें आह्ली श्रेणिएं कन्नै सरबंधत लोकें दे प्रमाण पत्तरें लेई बकाया पेदे मामलें पर बी टकोह्दे तौरा पर चर्चा कीती गई। एह्दे अलावा करसानें गी जमीनें सरबंधी पासबुकां बंड्ङने दी प्रक्रिया बारै बी जानकारी हासल कीती गई। मुख्य सचिव होरें डिप्टी कमिशनरें पर जोर पाया जे ओह् इनें योजनाएं दी बेल्ले सिर अमल-आवरी लेई बाद्दू जतन करन ते जिला ते सैक्टोरल अफसरें दिआं बैठकां नियमित वकफे पर लांदे रौहन।

<><><><><><>

Ramban

रामबन जिले च आयूष विभाग नै 19 डिसपेंसरिएं गी आयूष हैल्थ ते कल्याण केन्द्र च तब्दील करी दित्ता ऐ हुन एह केन्द्र बक्ख-बक्ख लैबारट्री टैस्टें लेई इस्तेमाल कीते जांगन। विभाग नै आशा वर्करें दी मदद कन्ने लोकें दे घरें जाइयै उनेंगी बक्ख-बक्ख सेहत सरबंधी मुद्दे बारे जानकार करने दी मुहिम बी शुरू कीती दी ऐ। साढ़े संवाददाता कन्नै गल्ल करदे होई जिला योगा-कोआर्डिनेटर ते सीएमओ आयूष डॉ. मसूद इकबाल

<><><><><><>

Rev Badminton

अज्ज लखनऊ दे सैयद मोदी अंतर्राष्ट्री बैडमिंटन चैंपियनशिप दे सेमीफाइनल मुकाबले खेड्डे जाडन। महिलाएं दे इक्कले-इक्कले मुकाबले च, शीर्ष भारती खड्डारन ते द'ऊं बारी दी ओलंपिक पदक विजेता पीवी सिंधु हुंदा मुकाबला उन्नति हुड्डा कन्नै होग। मर्दे दे इक्कले-इक्कले मुकाबले च, लक्ष्य सेन दा सामना जापान दे शोगो ओगावा ते दुए नम्बरै दे प्रियांशु राजावत दा मुकाबला सिंगापुर दे चौथे नम्बरै दे खड्डारी जिया हेंग जेसन तेह कन्नै होग। कल पी.सी. सिंधु नै चीन दी दाई वांग ते लक्ष्य सेन नै क्वार्टर फाइनल च मीराबा लुवांग मैसनाम गी हराया हा। महिला दे डब्ल्स मुकाबले च, त्रिशा जॉली ते गायत्री गोपीचंद हुंदी जोड़ी ते अश्विनी पोनप्पा ते तनिषा क्रेस्टो हुंदी जोड़ी बी अखीरले चार च पुज्जी गई ऐ।

<><><><><><>